

أسرار أفضل أيام الدنيا | #خطبة_جمعة | د. حازم شومان

حازم شومان

ان الحمد لله نحمده ونستعين به ونستهديه ونستغفره وننعوا بالله من شرور انفسنا ومن سيئات اعمالنا اللهم انا ننعوا بك من شرور انفسنا ومن سيئات اعمالنا انه من يهدى الله فلا - 00:00:00

يا مضل له ومن يضل فلن تجد له هاديا مرشدنا. يا ايها الذين امنوا اتقوا الله حق تقائه. ولا تموتون الا وانتم مسلمون. يا ايها الناس اتقوا ربكم الذي خلقكم من نفس واحدة. وخلق - 00:00:20

ومنها زوجها وبث منها رجalla كثيرا ونساء واتقوا الله الذي تساءلون به فرحان ان الله كان عليكم رقيبا. يا ايها الذين امنوا اتقوا الله اتقوا الله وقولوا قولوا سديدا. يصلح لكم اعمالكم. ويغفر لكم ذنوبكم. ومن يطع الله ورسوله - 00:00:40

لقد فاز ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات وعلى ذريته وال بنته انك حميد مجيد. اما بعد اخواني واحبابي في الله ونحن لا نزال في هذه الفرصة التي اعطانا الله - 00:01:10

ايها وانت لست نفسك بين جنبيك وانت لا تزال صحيفتك لم تغلق كما قال تعالى فاصابكم مصيبة الموت ربنا سمي الموت مصيبة ليه ؟ لان ما فيش مصيبة اكتر من ان صحيفتك هتتقفل. ما فيش مصيبة اكتر من ان الادان هيدين في يوم من الايام وانت ما تقدرش تلبي - 00:01:30

ان المصحف موجود وانت ما تقدرش تفتحه. ان الدنيا مليانة ايات. في جلال ربنا وانت ما تقدرش تذكره. مش مصيبة الموت انك سيب الدنيا تركها مش مصيبة. ترك الاولاد مش مصيبة. ترك الزوجات مش مصيبة. ترك الاموال مش مصيبة. ان الدنيا كلها تنهار - 00:01:50

ما هياش مصيبة. المصيبة انك هتتحرم من كلمة يا رب. المصيبة ان ما عادش ينفع تذكر ربنا. المصيبة ان على سبيل التكليف فرصةك خلصت. فرصةك انتهت. انت لا تزال في الفرصة. اسمك لست على سبورة الدنيا. لست ما اتمسح بالبشاورة بتاعة الموت. لست الى - 00:02:10

انت لا تزال في الدنيا تسبح وتذهب وتجيء. لست الحوت بتاع الموت ما ابتلعكش. لا تزال نفسك بين جنبيك وانت في هذ اتنى الله لك بفرصة من اعظم فرص حياتك. بل هي اعظم فرص حياتك. قال رسول الله صلى الله عليه وسلم افضل ايام - 00:02:30 الدنيا ايام العشر. افضل ايام الدنيا. يعني انا لو عشت سبعين سنة ولا سنتين سنة افضل ايام هي عشر ذي الحجة اللي هتتحجي بعد ايام باذن الله. اللي هي المفروض اللاتنين اللي بعد الجاي فلكيا والله اعلم بها. يعني افضل ايام حياتي - 00:02:50 عشر تيام اللي هم من واحد لعشرة ذي الحجة. لا يا حبيبي. ده دي افضل ايام حياتك. النبي ما قالش افضل ايام حياتك. النبي عليه الصلاة والسلام قال افضل ايام - 00:03:10

الدنيا حياتك والحياة اللي قبل حياتك والحياة اللي بعد حياتك. ده دي ايام تاريخية في حياتك. المفروض ان الايام دي ما دام النبي عليه الصلاة والسلام قال انها افضل ايام الدنيا. يبقى دي سبب تفضيل واحد عن واحد. زي ما ربنا قال ولقد اتينا داود منا فضلا. ربنا فضلله ليه ؟ عايز ربنا - 00:03:20

افضل ايام الدنيا طريق لتفضيل الله لك. افضل ايام الدنيا ايام العشر يبقى الايام دي ما هياش اي ايام يا جماعة. دي اعظم ايام في حياتك. عشر ايام قلبك بيستحمر في نهر الزكر عشر ايام قلبك بيتأتى من انوار الزكر. عشر تيام بتعقد صفقات الذكر مع - 00:03:40 رب العالمين. رب العرش العظيم. يبقى هذه الايام العشرة ما دام النبي عليه الصلاة والسلام قال انها افضل ايام الدنيا. يبقى فيها اسرار

عن غيرها. ليه يعني؟ ايه الفرق من ثلاثة زو الحجة وخمسة اشهر زو الحجة. ايه الفرق بين سبعة زو الحجة واتناشر ذو القعدة؟ اشمعنى هذه الايام يعني؟ اشمعنى هذه الايام هي افضل ايام - 00:04:00

الدنيا واحد لانها ايام الذكر لان العشر تيام دول موسم الذكر السنوي وقفه من الله لك. ربنا بيقول لك اقف مع الكلمات دي ، اقف مع سبحان الله! اقف مع الحمد لله! حال قلبك فيها ايه! يا عم ما انا باقولها لا! العشر تيام دول اقف معها. انت فعلا - 00:04:20

عارف يعني ايه الحمد لله انت فعلا قلبك عايش مع سبحان الله انت فعلا قلبك متذوق معنى لا الله الا الله هذه الكلمات لما داود هتف بها على الجبال ربنا انطق له الجبال والطير. وخلالهم يأوبوا اليه. لما سليمان هتف بها في - 00:04:40

جلسة الذكر ربنا سخر له الريح. لما يوسف هتف بها ربنا مكنه فوق فتنة امرأة العزيز وفوق فتنة السجن هذه الايام هذه الكلمات هي سر السعادة. هي سر تحقيق مقصود حياتك. هذه الكلمات البسيطة السريعة الصغيرة هي دي سبب سعادتك في الدنيا وسبب - 00:05:00

نجاحك وسبب فلاحك. وسبب الفردوس الاعلى وسبب رضا الله عنك. وسبب قوتك وعزيمتك في الحياة. وسبب انك تتحقق مقصود وجود وسبب انك تبقى من جيران النبي عليه الصلوة والسلام في الفردوس الاعلى. الموضوع كبير يا جماعة. لانها ايام الذكر. يعني ايه

ايام الذكر؟ يعني ربنا بيقول فاذكروني - 00:05:20

اذكركم طب انا لاما اذكرك يا رب بلسانى وبقلبي انت هتذكريني ازاي؟ اذكركم دي كلمة ما فييش مفسر قدر يفسرها. المفسرين لهم فيها اكثرا من ميت قول المفسرين يقولوا اذكركم بالثناء. مفسرين قالوا اذكركم بالعطاء. مفسرين قالوا اذكركم بالاختصاص والخلاص.

مفسرين قالوا - 00:05:40

واذكركم في النساء والضراء. مفسرين قالوا اذكركم. المفسرين مختلفين. ربنا هيذرك. انما الكل متفق اني اذكركم يعني هيديك وهيرفعك وهيمدك وهيحفظك وهينور لك قلبك وهيوصلك وهيرشدك وهيففك. الكل متفق اذكركم دي كلمة عظيمة. انما معناها ايه

؟ ما حدش عارف يجيب معناها. لانها من افعال الله الجليلة التي لا يحيط البشر بها. كما قال تعالى - 00:06:01

الله اكبر اكبر من اي عبادة تانية في السواب. اكبر من اي عبادة تانية في تطهير القلب. اكبر من اي عبادة تانية في توصيلك الى الله. اكبر من اي في عبادة تانية في اعانتك على ترك المعاصي بدون الام وبدون تعب وبدون نكبات وعودات لها مرة تانية لانها ايام الذكر - 00:06:31

اتنين افضل ايام الدنيا لانها ايام الثأر. دي ايام اللي ابراهيم رجم فيها ابليس. دي ايام اللي الحجاج بيرجموا فيها الشيطان بالجمرات والذكر ونحن نرجمه هنا بالذكر. ونحن نرجمه بذكر الله. الايام دي كل حاجة قابلة فيها الاشتغال يا جماعة - 00:06:51

لان ابليس مش زي رمضان. مرضت الشياطين ما هياش مصفدة. مرضت الشياطين مطلقة. والشياطين مطلقة. وهذه الايام الوضع فيها ان مش الشيطان متقييد ويلا انطلق. الشيطان موجود معك. وبيحاربك هتقدر ترجمه كما رجمه ابراهيم ولا اأ. هتقدر ترجم - 00:07:11

الشيطان. عشان كده الجمرات في الحج عددها سبعين. بيض شعب الايام بين بضع وستين لبضعة وسبعين. يعني تقريبا بعدد شعب الايام كانك انت لازم ترد على طهرك من الشيطان. بكل شعبة ايمان عطلك عنها. بكل عمل صالح نفرك منه. بكل مرة فضل - 00:07:31

ينسيك لحد مرحلة قيام الليل بكل فجر راح منك. بكل مرة بصيت فيها على حرام. بكل مرة وقعد فيها في معصية. هذا من عمل الشيطان انه عدو مضل مبين. دي ايام الثأر. هتقدر تثار منه بالذكر ولا اأ. هتقدر ترجمه بالذكر ولا اأ. هتقدر - 00:07:51

بالذكر ولا لا هتقدر تنتصر عليه بالذكر ولا اأ؟ لانها ايام التجارة العظمى مع الله. دي ايام اعظم تجارة مع ربنا ربنا علمك انك تبقى راجل اعمال؟ انت لازم في الاخرة تبقى راجل اعمال في الدنيا تلاقي واحد لابس بدلة فخمة ومامسك شنطة فخمة ونازل من عربية فخمة - 00:08:11

و فيه سكريتير بيجري وراه ، وفيه ناس بتتلقا ، هو مين ده ؟ يقول لك ده راجل اعمال. يعني ايه راجل اعمال؟ يعني الراجل ده حياته

كلها حاجات كبيرة اوي. حاجات - 00:08:31

مهم اوي الرجال ده ما بيتكلمش غير بالملايين. الرجال ده كل ساعة ولا ساعتين قاعد مع واحد بيتفق على صفقة بمالايين معه فيها.
انت كذلك انت رجل اعمال اخرؤية هل ادلكم على تجارة تنجيكم من عذاب اليم؟ يرجون تجارة لن تبور - 00:08:41
ان الله اشتري من المؤمنين انفسهم واموالهم بان لهم الجنة. ربنا ميت مرة في القرآن بيعلمك انك تبقى تاجر. بيعلمك ان الآخرة عايزه رجال اعمال. عايزه ناس مقدرة قيمة صفقات الآخرة مع الله. وانت الان في اعظم صفقة مع الله. صفقة الذكر يا اخواني في الله - 00:09:01

كما قال النبي صلى الله عليه وسلم الا انبئكم بخير اعمالكم اكتر عمل هيجي لك خير في حياتك بسيبه واذاكها عند مليككم اكتر عمل ربنا هيذككك بسيبه. وارفعها في درجاتكم. اكتر عمل درجتك عند الله ترتفع بسيبه - 00:09:21
في الفراديس العليا هترتفع بسيبه. ودرجتك في طبقات الايمان هترتفع بسيبه. ودرجتك في العزيمة والهمة هترتفع بسيبه خير لكم من اتفاق الذهب والورق. وخير لكم من ان تلقوه عدوكم. فتضربوا اعناقهم ويضربوا اعناقكم. قالوا وما هو يا رسول - 00:09:41
الله عليه الصلاة والسلام قال ذكر الله. ذكر الله سبحانه وتعالى. عشان كده النبي عليه الصلاة والسلام يقول عن عشر ذي الحجة انها احب ايام الدنيا الى الله. وافضل ايام الدنيا عند الله. واعظم ايام الدنيا عند الله. وارجى - 00:10:01

ما للدنيا عند الله واذكى اعمال الدنيا عند الله. الخمس حاجات دول النبي ما قاله المش في حاجة تانية غير عشر ذي الحجة. ولا حتى في رمضان. احب واعزم وافضل وارجى واذكى. خمس كلمات بيحسسك ان العشر تيام دول هم اللحظة الفارقة في حياتك. هم دول - 00:10:19

التحويلة بتاعة حياتك. هم دول ايام ترخيص زوايا قلبك من جديد. هم دول اللي هترجعك لربنا تاني. دي ايامك مع الله اه هي دي الايام اللي هتذكر الله فيها ليل ونهار. فهتعرف يعني ايه ذكر. وهتعرف يعني ايه انا جليس من ذكرني. وهتعرف يعني ايه انا - 00:10:39

معه حين يذكرني وهتعرف يعني ايه فاذكروني اذكركم. وهتعرف يعني ايه ولا ذكر الله اكبر. دي الايام اللي كل ايات واحاديث الذكر انت هتفسرها بس ما فيش شيخ هيفسرها لك في جامع. ما فيش داعية هيفسرها لك على خطبة على منبر رسول الله في خطبة الجمعة. ما فيش برنامج - 00:10:59

طائف قناة اسلامية هيفسرها لك. الايام دي انت هتتعرف تفسير ايات واحاديث الزكر. عملي بالمعاملة بينك وبين الله لما هتدمن زكر الله في هذه العشر. الله سيريك عطاءاته للذاكرين. وسيريك وعوده للذاكرين. يبقى انت هتتعرف عملي - 00:11:19
هتعامل ربنا بهذه في هذه الايام بذكر الله سيعاملك الله بعطاءاته ووعوده للذاكرين. مصدق ربنا يبقى المفروض تستعد للايام دي. لما زا هي افضل ايام الدنيا عند الله؟ قلنا لانها ايام الذكر. اتنين لانها ايام الثأر. تلاتة. لانها - 00:11:39

اعظم صفقة في حياتك مع الله سبحانه وتعالى. دي ايام التجارة العظمى مع الله. انت تتجسر مع الله بذكر الله. اربعة لانها التضحية هو الايام دي اعظم ايام عند ربنا ليه؟ ليه؟ لأن خطوط الطول والعرض من جميع مشارق ومغارب الكورة الارضية اللي راكبين طيارات - 00:11:59

راكبين سفن واللي جايin بباصات واللي جايin على رجالهم وكل متوجه ناحية نقطة واحدة وهي الكعبة. والكل بيتهتف هتاف واحد اللهم لبيك. لبيك لا شريك لك لبيك. نداء التلبية اللي بترتج به الطائرات والسفن والقطارات - 00:12:19
والباصات والسيارات من جميع خطوط الطول والعرض في الكورة الارضية. من مشارق الارض ومغاربها. اربعة وعشرين ساعة تقصد بيت الله الحرام وهي تهتف لبيك اللهم لبيك. دفعوا الوف مؤلفة عشان يروحوا وسابوا بلالهم وسابوا اوطانهم - 00:12:39
وسابوا اراضيهم وسابوا اعمالهم وسابوا اشغالهم. وسابوا ارضهم وسماءهم. من اجل تلبية نداء الله. لذا هذه افضل ايام الدنيا عند الله لانها اعظم ايام الانسان بيفضي فيها عشان ربنا ربنا بيعجب عبادة التضحية. ضحيت عشانه بيه؟ سبت عشانه بيه؟ ايه - 00:12:59
تهوى الا حببيا لقلبك. وتركتها لان حب الله احب اليك منها. انت سبت عشان ربنا نومك ساعة الفجر. سبت عشان ربنا راحتك ساعة

قيام سبت عشان ربنا ما لك ساعة الصدقة والانفاق. سبت عشان ربنا راحتك ساعة جهد الدعوة الى الله. سبت عشان ربنا ايه؟ ضحيت

- 00:13:19

عشان ربنا بايه دي احب عبادة الى الله. لماذا هذه العشر؟ افضل ايام الدنيا عند الله. ليه؟ لأنها الايام التي نطق فيها البشر جميعاً حتى الكفار حتى نتنيا هو حتى شارون حتى ائمة الكفر حتى ائمة اليهود حتى - 00:13:39

اللي بيحاربوا وجود ربنا. حتى دوكنن حتى كل من انكر وجود الله وكل من حارب دين الله. الكل عبدالله بن ابي بن سلول حتى ابو جهل وابو لهب. حتى صناديده الكفر. حتى النمرود اللي القى ابراهيم في النار. حتى فرعون - 00:13:59

اللي اراد قتل موسى هذه الايام التي نطق فيها البشر جميعاً. في نفس واحد ربى الله ربى الله يوم عرفات الاول. في اول مشهد عرفات الذي يصفه الله سبحانه وتعالى في سورة الاعراف. واذ اخذ ربك من بني ادم - 00:14:19

من ظهورهم ذريتهم. الله اخرج من ظهر ادم ذريته. المليارات لحد يوم القيمة. وشهادهم على انفسهم. الست فيكم مين ربكم؟ قالوا بل شهدناها. البشرية كلها بما فيها ابو جهل وابو لهب. في اليوم ده قالت ربى الله انت - 00:14:39

في اليوم ده قلت ربى الله. الكل الكون قال في هذا اليوم ربى الله. ان تقولوا يوم القيمة انا كنا عن هذا غافلين. يبقى الاية النص الاولاني جاب البداية اول مشهد عرفات في التاريخ اللي هو يوم تسعه زو الحجة اللي هو يوم من هذه الايام العشر. ربنا جاب البشرية - 00:14:59

قل له اشهدها من ربك؟ الكل قال ربى الله. بعد كده ربنا ابتلانا. ونزل الناس الدنيا وادى لده الفلوس وادى لده المال وادى لده سلطان والدلال شهادة. والدلال مركز والدلال سيادة. والدلال سلطان وادى لده. واختبر الناس كلها. وادى لجمال وادى - 00:15:19

المال وادى الحسب واختبر الناس كلها. وبعد ما هتنتهي الدنيا كل واحد في اول ليلة في القبر. في اول يوم رجوع ربنا يوم تقوم قيامته الصغرى سيسأل نفس السؤال الذي سأله الله له في عالم الذر سيدخل عليك ملكان اسودان ازرقان فيقولان لك - 00:15:39

من ربك؟ تصدقوا ان تسعمية تسعه وتسعين في الالف من كل الف واحد. تسعمية تسعه وتسعين هيقولوا ها ها لا ادري الف الالف كانوا في عالم الذر بيقولوا بل شهدنا ربنا - 00:15:59

اه لما نزلوا الدنيا واتلوا الفطرة وبعد الناس عن الله سبحانه وتعالى لما يبيجوا يسألوا مرة تانية بقى انت زي ما اديك عربية بتاعتي كده واقول لك العربية دي فبريكه بالسلوفان اللي عليها. بعد خمس سينين اجي اقول لك وريني العربية بتاعتي. في واحد - 00:16:19

00:16:19

العربية لسة محافظ عليها. وفي واحد بوزها وبهدلها. ربنا اداك الفطرة وشهادك عليها. من ربك؟ قلت ربى الله. الفطرة بتاعتك سليمة اهي. نزلت دنيا ده اتوحل في المعاصي وده ضاع وغرس في الشهوات وده مشي وراه للشبهات وده مشي ورا الدنيا ورجعوا لربنا - 00:16:36

ربنا بيعمل لهم الامتحان تاني. ياللا بقى مين اللي لسة جايب الفطرة بالفبريكه وبالسلوفان اللي عليها! من ربك؟ للاسف واحد في الالف اللي قل ربى الله. الملkin هيدخلوا عليه يقولوا له من ربك؟ ما دينك؟ من نبيك؟ فيقول ربى الله وريني الاسلام ونبيي محمد. ده الواحد في الالف. فيتهراهان - 00:16:56

ويقول ان له من ربك؟ من نبيك؟ ما دينك؟ هو في ايه؟ ما انا قلت ربى الله. هو انت بتتهراهون ليه؟ هو كل ما تعطي غلط ما انا قلت

نبي محمد عليه الصلاة والسلام. ما انا قلت ديني الاسلام. انت بتتهراهون ليه؟ وبيتسألوني تاني بشدة ليه - 00:17:18

فيتهراهان ويقول ان له من ربك؟ ما دينك؟ من نبيك؟ هو ايه القصة؟ هم بيعملوا معه كده ليه؟ هو الرجال ده نزل القبر وما هوش عارف اصلا هو ايه الدين اللي الملايكة دي عايزاه؟ هو في الدنيا امن بدين ده امن باليهودية، ده امن بالنصرانية، ده امن بالاسلام. فيه واحد كان - 00:17:38

تصدق بجد وموقن في دين الاسلام وواحد كان شاكل. الملkin بيتحنوه فيقولوا من ربك؟ وما دينك؟ وما نبيك؟ ففي واحد هيقول بنبي الاسلام بس هو شاكل. انما هو لازم يجاوب لانه في امتحان صعب جدا. فيقول ديني الاسلام وهو شاكل فيتهراهان بنقول لك

لو هو شاڪك عارفين اب بعت ايه ؟ قال لابنه او عى تنزل تلعب في الشارع مع فلان. فالولد نزل يلعب مع فلان. فراجع فابوه بيقول له انت كنت فين ؟ - 00:18:18

قال له انا آآ انا كنت باجيip حاجة لاما. باقول لك انت كنت فين ؟ هو الاب بيعمل كده ليه ؟ عشان لو ابنه كداد بيبان في المرة الثانية لو ابنه مش وافق من اجابته بيبان في هو ده اللي الملكين بيعملوه معك. يعني بالآخر اللي هيجاوب سؤال الملكين في القبر هو اللي عنده يقين بالقرآن والاسلام - 00:18:28

هو اللي عنده يقين بالرسول. هو اللي عنده يقين بالله. والا فهو لا يدرى. هم مين دول ؟ يعني ما هماش جايin في في جايin لهم علامة ولا بسien غترة وحاطين السواك في جيبيهم. وما سكين المصحف ويبيقولوا له يا اخي من ربك ؟ ده هو مش عارف مين دول. ولا دول طب وده اصعب - 00:18:48

فتنة القبر انك لا تدري الملكين دول بتوع مين فلا بد ان تكون على يقين راسخ بدين الاسلام والقرآن والرسول عليه الصلاة والسلام تجيب على هذه السؤال هذا العذر ؟ ليه العذر هي افضل ايام الدنيا ؟ الاجابة الرابعة - 00:19:08

بعد لانها ايام الذكر ولانها ايام الثأر. ولانها ايام التجارة العظمى مع الله. ولانها ايام التضحية. السبب الخامس لانها اليوم الذي نطق فيه البشر جميua. رب الله في يوم عرفة في التاسع من هذه الايام - 00:19:26

لماذا هي افضل ايام الدنيا ؟ ليه ايام اللي جاية دي افضل ايام الدنيا ؟ لان هي ايام الشواب الاسطوري. آآ السبب السادس انها ايام الشواب يعني ايه ايام الشواب الاسطوري ؟ النبي عليه الصلاة والسلام بيقول للصحابة ما من ايام العمل الصالح احب الى الله فيها من هذه الايام - 00:19:46

الصحابة قاعدين كده فيبيقول لهم يعني بيقول لابو بكر وعمر والصحابة بيقول لهم العشر تيام دول ما فيش ايام في الدنيا ربنا يحب انك تقدر تذكر وتذكرة القرآن وتصلي وتصوم زي الايام دي. فقالوا له يا رسول الله ولا الجهاد في سبيل الله - 00:20:06

يعني لو احنا خرجنا نجاهد في سبيل الله يا رسول الله في العشر تيام دول مش بيقى احسن من ان انا اقعد اذكر الله في العشر تيام دول قال ولا الجهالة واحدة بس - 00:20:26

رجل خرج بنفسه وماله فلم يرجع من ذلك بشيء. بيقى ازا الحديث ده قال لك اعزم صفقة تعقدها مع الله. ايه اعظم صفقة تعاقدها مع رب العرش العظيم ؟ خرج بنفسه وماله فلم يرجع من ذلك بشيء. ده اعلى صفقة - 00:20:36

تضحي بكل شيء عشان ربنا. طب الصفقة اللي بعدها ؟ ذكر الله في عشر ذي الحجة. بيقى عشر ذي الحجة دي تاني اعظم صفقة طمع الله في تاريخ حياتك. دي تانية طب انت دلوقتي مش قادر خرج بنفسه وماله فلم يرجع من ذلك بشيء. بيقى دي الصفقة الاولى في حياتك الوقتي. صفقة الذكر - 00:20:56

في عشر ذي الحجة لذك هي افضل ايام الدنيا عند الله. سبعة لانها ايام التأسيس. دي ايام تأسيس الدين اصلا. هو ايام دي ربنا ذكرها في صور ايه ؟ سورة الفجر وليل عشر. السورة اللي اولها ربنا اقسم بالله العشر. هي اللي اخرها قال يا ايتها النفس المطمئنة ارجعي الى ربك. عايز - 00:21:16

للاطمئنان في زمن التوتر والهلع ونوبات الفزع. عايز توصل للاطمئنان عليك بذكر الله. وببداية وقوتك مع عبادة الذكر. يا اخوانا ناس كتير عارفة قيمة القرآن. ناس كتير الدعاء بيجيوا في رمضان وقبل رمضان بشهرين. يقعدوا يتكلموا عن القرآن وخطورة القرآن واهمية فهم القرآن - 00:21:36

اهمية الصلاة السليمة بالقرآن واهمية قصر العمرة على فهم القرآن. فيبي فيه ناس كتير فاهمة قضية القرآن. قضية رمضان انما قضية عشر ذي الحجة اللي هي قضية الذكر. ناس كتير جدا مش فاهمها. ناس كتير مش عارفة وعود الله للذاكرين. ناس كتير مش عارفة ربنا ممكن يعمر لك ايه - 00:21:56

في حياتك لو ادمنت ذكر الله. ناس كتير مش عارفة ذكر الله ده ممكن يحل لك مشاكل في حياتك قد ايه. الورقة اللي آآ يعني ان شاء

الله نوزعها عليكم - 00:22:16

اخر الخطبة احالمك بين ايديك. احالمك بين ايديك. فكرة الورقة مكتوبة في سطرين في الاول بالاصل. الذكر هو اسرع واعظم صفة لتحقيق كل احالمك. يعني ايه تحقيق كل احالمك؟ يعني اعزم وسيلة اسرع وسيلة لتحصيل السعادة. والنجاح والقوة والتبسيير والتوفيق والكرامات الدنيوية - 00:22:26

والبركة والسكنية والوقاية من السحر والحسد. والفوز بالفردوس الاعلى. والنجاة من عذاب الله في الدنيا والآخرة. حق كل احالمك بذكر الله ما فيش سبب من اسباب احالم حياتك كلها ما فيش اية او حديث بتقول لك ان تحقيق الحلم ده بسبب الزكر. كفاية وانا جليس من - 00:22:46

كفاية انك انت في مجالسة الله. انت لو في مجالسة ملك من ملوك الدنيا هتبقى انت قاعد معه. ولو هو بيحبك وهو بيوصي الناس يخلصوا لك حاجاتك ويخلصوا لك حواجزك. انت في مجالسة الله. تتخيل بقى ربنا بيعمل لك ايه في امور حياتك؟ لم ار في حياتي والله اخواني في الله لم ار في 00:23:06

حياتي عبادة اسرع في الثمرة الدنيوية. اسرع في تغيير ظروفك الدنيوية وحل مشاكلك الدنيوية ضعف التأثير على رزقك وسعادتك وحياتك من ذكر الله. لم ار في حياتي عبادة جوايزها فورية زي ذكر الله. او - 00:23:26

اول ما تبدأ تذكر ربنا ساعة. اتنين ثلاثة اصبر بقى. اصبر يا عم احنا قاعدين نذكر الدنيا ليل نهار. قاعدين نتكلم على سعر الدولار اللي طلع ونزل السهم اللي طلع ونزل. وسعر العربيات وسعر الاراضي وسعر الايشان وسعر السيراميك. وسعر الشقق وسعر قاعدين. يا عم عايزين نتكلم - 00:23:46

ربنا شوية. عايزين نذكر الله. قعدنا نتكلم عن المسلمين لحد ما حبيناهم. قعدنا نتكلم على المغنيين لحد ما حبيناهم. قعدنا نتكلم على الدنيا لحد ما دخلت في قلوبنا. عايزين نتكلم عن ربنا لحد ما نحبه. عايزين نذكر الله لحد ما حب الله يتمكن من قلوبنا. ولحد ما تعظيم الله يتمكن من قلوب - 00:24:06

تبنا عشان كده دي ده التأسيس هزه العشر من اسباب النية افضل ايام الدنيا عند الله. ان ده موسم التأسيس. هو ربنا قال ليالي العشر في سورة الايه؟ الفجر. هي الفجر ديت ايه؟ الفجر دي من اول عشر سور نزلوا في القرآن. دي من سور المرحلة السرية. من سور ده الارقم اللي اتربي فيها ابو بكر - 00:24:26

و عمر يعني ربنا كلام الصحابة عن عشر ذي الحجة من دار الارقم من اول سنتين في الاسلام امال ربنا كلام الصحابة عن ربنا رمضان امتنى؟ ها شهر رمضان الذي انزل فيه القرآن سورة البقرة. سنة اتنين هجرية. يا نهار ابيض! يعني ربنا اتكلم عن عشر ذي الحجة - 00:24:47

قبل ما يتكلم عن رمضان بحوالي خمسة عشر سنة. يعني ربنا ربي الصحابة وربى ابو بكر وعمر على احياء عشر في الحجة قبل ما يربىهم على احياء رمضان والعشر الاواخر وليلة القدر. بحوالي اكتر من عشر سنين. يعني عشر ذي الحجة ده موسم جبار - 00:25:07

فدي البداية دي الفيرست دايز. دي البداية. دا التأسيس. المرة الثانية ربنا قال ووعدنا موسى ثلاثين ليلة واتمنناها. واتمنناها بعشر كثير من المفسرين قالوا عشر ذي الحجة اتمنناها في سورة ايه؟ سورة الاعراف. اللي زمن نزولها بيدور حوالين شعب ابي طالب. يعني شعب ابي طالب. المرحلة السرية - 00:25:27

الدفتر الارقم يعني فترات التأسيس كلها كان ربنا بيحيى قضية عشر ذي الحجة في قلوب الصحابة. قضية كبيرة. قضية هتوصلك لمقام يا ايتها النفس المطمئنة. المقام اللي ما حدش عارف يوصل له الايام دي. الناس خايفه. الناس خايفه من الايام. هجوز ابني منين؟ انا نفسي شاب هتخرج امتنى وهتجوز منين - 00:25:47

اجيب مجموع يدخلني كلية ايه! وبنبي هتتجوز مين؟ وهتتجيب شقة منين؟ وهشتغل فين؟ وهجيب دخلي يكفيوني ازاي؟ وفي يوم من الايام بيقى عندي شقة ازاي؟ وازاي ابقى - 00:26:07

صاحب مشروع في يوم من الايام ولما اكبر هممرض ولا لأ؟ ولو هممرض هيجي لي مضاعفات المرض ولا لأ؟ ولو هاموت هاموت ازاي
؟ يا ترى في حادسة ولا يا ترى في - 00:26:17

انا اعيش ازاي وهكمل ازاي؟ الناس خايفه نحن في ايام الطلع وفي ايام الرعب في هذه الايام الذكر هو الطريق للوصول الى يا ايتها
النفس المطمئنة افضل ايام الدنيا. ليه افضل ايام الدنيا ايام العشر؟ افضل ايام الدنيا ايام العشر. تسعه او تمانية - 00:26:27

لانها ايام تصحح مقصود حياتك. يعني ايه تصحح مقصود حياتك؟ يا اخوانا الخمس كميات رمضان ربنا اداك تلاتين يوم عشان تعيش
مع ستمية صفحة قرآن عشان تعيش مع ستمية صفحة قرآن. قال لك فيه تلاتين يوم سنويا معسرك قرآنی عشان امة - 00:26:48
محمد الدعاة يفضلوا يكلموها عن القرآن وخطورته وهم يفضلوا يقرروا قرآن ويعكفوا في الجوامع على القرآن. تقوم الامة تفهم يعني
ايه قرآن. يقوموا شهر يبقى امة قرآنية عظيمة. اومال عشر ذي الحجة دي عشر تيام مع خمس كلمات. مع سبحان الله والحمد لله -

00:27:08

ولا الله الا الله والله اكبر ولا حول ولا قوة الا بالله. يعني مع ازكار قليلة خمس ست كلمات. يبقى معنى كده ان الكلمات في ايه الكلمات
اللي احنا جايبيين افضلها واعلاها في هزه الورقة. يبقى الكلمات دي ايه؟ الكلمات دي في ورقة احلامك بين ايديك. احلامك بين ايديك
اهي - 00:27:28

ايه الخمس ست سبع تمان كلمات اللي في الورقتين دول؟ انت لو ادمنت ذكر الله بهم بس تقولهم صح. تقولهم صح. كلنا بنقول الحمد
لله كلنا بنقول بنذكر بس فين قلبك؟ انك انت تقولهم وانت قلبك فاهم المقصود اللي من وراهم انك تقولهم وانت - 00:27:48
عايش مع معانيهم. تصحح مقصود حياتك. انت عارف انت بتذكر مين؟ ما هو انت لما تقدر تقول سبحان الله سبحان الله. انت لازم
تفكر بعد شوية. هو انا لازم احس - 00:28:08

جلال الله عشان اصبر على ان انا اسبح ربنا نص ساعة ولا حاجة. انا لازم احس بنعمه عشان اقدر اقول الحمد لله ساعة. امال هقدر
ازاي انا لازم احس بجلاله عشان اقدر اقول الله اكبر ربع ساعة. انا لازم عشان افضل اقول سبحان الله وبحمده سبحان الله العظيم. انا
لازم احس بجلاله - 00:28:18

وعظمته ونعمته وعلوه والا مش هاقدر اصبر على الذكر. الذكر هو اسهل عبادة على الاسهل حركة للسان. ولكن هو اصعب عبادة على
القلب لان اللي جوة القلب كله دنيا. فانت بتتجبره ها طلع دين. توجه الى الله. مش قادر. لأن تعال اما اعرفك مين - 00:28:38
بقى عشان ترمي الدنيا دي وتدوس عليها وتنطلق الى الله سبحانه وتعالى. ربنا سبحانه الله العظيم اخواني في الله. يعني كنت يعني
في يعني الايام اللي فاتت كده في بعض حاجات في امراض الكلى. شغل الكلى. بابص في الكلى كده واحد من علماء يعني من علماء
الطب الكبار في العالم اسمه - 00:28:58

بيتكلم عن الكلى. الكلى دي حته مية وخمسين جرام. الكلى دي كلها مية وخمسين جرام. يعني قد البطاطسية الصغيرة. الكلى دي
فيها اتنين مليون فلتر ترشيح. ربنا حاطط لك في الكلى دي مليون او مليون ونص فلتر وفي الكلى دي مليون ونص فلتر. يعني من
اتنين لثلاثة - 00:29:18

مليون فلتر ترشيح. يعني الكلى دي مصفى بتصفي الدم بتعاونك. الالف مليار خلية اللي في جسمك قاعدين يعملوا تفاعلات
تفاعلات. ويطلعوا مسموم زي اي مصنع كل خلية في جسمك زي مصنع هي بتبني ولكن بتطلع دخان اسود و بتطلع سموم و بتطلع مواد
تودي في داهية - 00:29:38

ملك الخلايا الف مليار خلية من مفرق راسك لحتى اخمح رجليك. قاعدة تستغل ليل نهار و تطلع سموم. بتضخ السموم دي فين؟ في
الدم. فالدم ده كان هيبقى عامل زي المجرى كده. لو الالف مليار خلية دول قاعدين ينزلوا من غير نضافة. فربنا عمل لك اتنين مليون
مصفى. او ثلاثة من - 00:29:58

ثلاثة مليون مصفى في مية وخمسين جرام اسمها كل. طب المصفى دي ما بتتسدش ازاي؟ هو انت تحتاج ايه عشان تعيش؟ قال لك
عشان تعيش انت تحتاج نص مليون مصفى بس. نص مليون فلتر بس. امال ربنا مديك ثلاثة مليون ليه؟ لانه كريم. ما انت تحتاج رئة

واحدة. انت محتاج - 00:30:18

ربع كبد انت ما انتاش محتاج كل اللي انت واحده في جسمك ومال ربنا مديك كتير ليه ؟ لانه كريم لانه معطي لانه وهاب. شف هو عاملك ازاي وهل جزاء الاحسان الا الاحسان ؟ الكل ديت الاتنين مليون مصفى رغم انك مش محتاج غير نص مليون. يعني لو باز مليون ونص - 00:30:38

انت لسة ماشي سليم. انت لسة ماشي تيجي السموم من كل حنة في الجسم. تيجي على الكل ديت الكل ديت بطريقة اعجازية تقدر تفلتر فيها بتفلتر قد ايه ؟ ذلك العالم يقول الكل بيدخل لها يوميا الف وسبعمية لتر دم - 00:30:58

انت عارف يعني ايه ؟ يعني انت من وانت من ساعة ما بدأت الخطبة لحد دلوقتي انت دم جسمك كله اتفلتر برة انت دم جسمك كله اتخز اتفسل في الكل مرة. واتفسل في الرئة كم مرة ؟ دي قصة تانية. اتفسل. الكل بتفسل دمك يوميا - 00:31:18

اقسم بقى الالف وسبعمية على خمسة لتر. الف وسبعمية لتر. شف انت دمك بيتفسل كم مرة في اليوم. شف الاعجاز اللي بيحصل عشان وانت بتقول سبحان الله عشان وانت بتقول الحمد لله تبقى عارف انت بتشكر مين. الرجال ده بيقول الف وسبعمية لتر دم الرقبة تخرج منهم كل يوم لتر واحد بس - 00:31:37

اللي هو البول. لتر كله سموم وكله مواد ضارة. وكله مشاكل تقوم مخرجاه. وترجع الدم تاني للجسم. لتر واحد بس. من الف وسبعمية لتر بيدخلوها عشان يفضل جسمك سليم ويفضل جسمك نقى وظاهر. طيب هي الكل دى كده كفاية ؟ لأن طبعا ده الالف مiliar - 00:31:57

قادعين يخرجوا سانوي اكسيد كربون. هو ده بقى المخلف الاسود بتاع التفاعلات. طب سانوي اكسيد الكربون ده هيروح فين ؟ ربنا عمل لك حاجة اسمها الرئة. الدم ستة وعشرين الف مرة يتفسل في رئتك يوميا من سانوي اكسيد الكربون عشان يبقى الدم فبريكا - 00:32:17

يبقى الرئة قاعدة تفسل دمك من سانوي اكسيد الكربون والفحى والهباب. والكل قاعدة تفسل دمك من السموم والمشاكل. وانت راجل ماشي زي الفل لحد الوقتي كفاية لا طبعا مش كفاية ليه ؟ لان انت نفسك قاعد تأكل سموم الاكل اللي انت قاعد تأكله ده والمواد الحافظة والمبيضات المسرطنة - 00:32:37

كمل الاكل اللي انت بتأكله ده مليان مصايب. طب وبعدين ربنا اول ما الاكل ينزل المعدة يتهمض وينزل الامعاء يتهمض. الدم كله الاكل كله يقوم رايح على الكبد. ما يروحش للجسم الاول. يروح للكبديه ليه ؟ الكبد ده بقى مصنع جبار يقدر ينضف الاكل كله - 00:32:57

من اي سم دخل فيه. عشان كده الكبد لما بيبوز الانسان بيفقد عقله. ربنا يحفزنا جميا يا رب. ويشفى مرضى المسلمين اجمعين. ليه ؟ لأن المواد السمية دي ما فييش حد بيعمل لها حاجة. الكبد انت من غير الكبد اكليتين من غير الكبد ما ينضف السموم اللي فيهم. تقدر عقلك. لان - 00:33:17

الاكل اللي انت بتأكله مليان مشاكل. فيقوم الدم كله من الامعاء. رايحة تكبد. الكبد ينضفه ويزبشه ويشيل السموم اللي فيه. وبعد كده يوديه للالف ملiliar خلية بقى في الجسم كله يالله خدوا بقى. كينة قاعد الوقتي كلتك قاعدة تفلتر دمك. اه قاعدة تفلتر الالف وسبعمية لتر دم. ورئتك ستة وعشرين الف مرة في اليوم - 00:33:37

قاعدة تفلتر دمك من لسان اكسيد الكربون. والكبديه قعد يفلتر الاكل اللي انت فطرت به واتعششت به امبارح. من اي سموم وانت قاعد باشا. وانت ما انتاش. ويبيجي يقول الحمد - 00:33:57

لله يا عم ده انا مبتلى. يا عم ده انا يا عم انت ما انتاش عارف ربنا عامل لك ايه. ربنا عامل لك ايه. غير جهاز المناعة اللي جوة جسمك. جهاز المناعة - 00:34:07

جهاز المناعة اللي جوة جسمك ده بيكون من تلات انواع من من اجهزة الاجهزة المسلحة. الجهاز الاول حرس حدود ربنا اداك حرس حدود زي جلدك كده. زي الجلد ده حرس حدود. ما فييش ميكروبات عارفة تتعدي. النوع الثاني ربنا عمل لك نوع زي الشرطة كده زي

زي الامن العام كده اللي هي كرات الدم البيضا دي قاعدة تلف ليل نهار ليل نهار ليه؟ تلقط اي ميكروب تتعامل معه بس الشرطة دايما ما تقدرش تعمل كل حاجة - 00:34:37

ولكن هي تقدر تتعامل سريع. طيب افرض بقى حرس الحدود ما نفعشى والامن العام ما نفعشى. في الجيش المسلح القوات المسلحة بتاعة جسمك ده ايه؟ جهاز المناعة مليون نوع من انواع الجنود المسلحة ضد كل - 00:34:47

كل انواع الميكروبات اللي في الحياة. كل نوع من انواع الميكروبات فيه نوع من الجنود المسلحة جوة الجسم. جهاز المناعة ده مش مليون خلية. مليون نوم انت عارف زي المارينز والصاعقة والمش عارف ايه وسلاح طيران مليون نوع. ده الكلام اللي في المراجع الطبية. مليون نوم - 00:35:07

قاعد جوة جسمك. قاعد بقى الحاجات دي قاعدة تفرز جوة المعدة. احسن يكون في الاكل حاجة وحشة. تفرز جوة الدموع. احسن يكون آآ جه على عينك حاجة. ايه ده ايه الحفز اللي ربنا حافزه لك ده! ربنا حط جهاز مناعة وآآ وكبد وكل ورئة ربنا حافز جسمك كده ليه - 00:35:27

كل ده عشان قلبك. كل ده عشان انت في الآخر بقى تحافظ على قلبك. زي ما النبي عليه الصلاة والسلام قال واني ان الشيطان يجري من ابن ادم مجرى الدم واني خشيت ان - 00:35:47

ان يقذف في قلوبكما شيئاً. قذائف الشيطان قذائف الشهوات والشبهات تشفوف البت دي. طب اسمع الشبهة دي. طب بس بص بس هو يعني ربنا يقول كده في الاية دي ليه بقى؟ طب بس اسمع بس هو معقوله النبي لما قال كده هو الكلام ده بقى قاعد بقى الشيطان شغال عليك اربعة وعشرين ساعة واني خشيت ان يقذف في - 00:35:57

في قلوبكما شيئاً. الشيطان شغال سلاح قذائف على قلبك. يبقى كل الحفز اللي في جسمك ده عشان انت تحافظ على قلبك. فانت لما بتيجي تذكر الله في عشر ذي الحجة - 00:36:17

انت من غير ما تقدر تستشعر بقى الكلام زي الكلام اللي انا باقوله ده في كل حاجة. اللي شغال في اي حاجة واللي يا عم بص في السما بص في برهان - 00:36:27

ربك اللي فوق راسك ده. براهين الله لا حصر لها في جسمك وفي السماوات وفي المخلوقات وفي الاراضي الزراعية. وفي الطيور وفي الحشرات وفي كل وفي ارزاق الناس وفي برهان براهين الله لا حصر له. بص عشان تقدر تسبح وتقدر تتصبر على الذكر - 00:36:37

تقدرت تكبر وتحمد لازم تبص والا مش هتصبر دقيقتين وتزهق وتسيب الذكر. فانت لما تبدأ تبص تبدأ بقى تعرف مين هو ربنا تتعزز الى الله. لما تعرف مين هو ربنا سواء سمعت بقى دروس اسماء حسني يا بختك لو عملتها او ما سمعت هتبدأ تذكر ربنا - 00:36:57
وانت عارف انت بتذكر مين. فيبدأ الذكر بتاعتك يزيد. يبدأ قلبك يتتصصر بقى من جوة الزوايا بتاعته. يبدأ قلبك يعرف المقصود بتاعه ايه انت ما جتش الدنيا ديت عشان تخلف ولا عشان تتجوز ولا عشان تختنى ولا عشان تأكل ولا عشان تشرب ولا عشان تلعب كورة ولا عشان تتفرج على كاس عالم ولا امال انا جاي الدنيا - 00:37:17

انت جاي الدنيا عشان كل حاجة تحولها في سبيل الله. عشان تعيش في سبيله وتموت في سبيله. انت جاي الدنيا دي عشان تعمراها اه وبما يرضيه سبحانه وتعالى. جاي الدنيا دي تعمراها بذكره بقلك ولسانك وجوارحك. جاي الدنيا دي عشان تحول الدنيا من فتنه - 00:37:37

في سلم يوصلك لربنا. انت جاي الدنيا دي تفهم المقصود بتاعك. افضل ايام الدنيا ايام العشر. ليه افضل ايام الدنيا؟ ايام العشر؟ نراجع مع بعض بسرعة واحد لانها ايام الذكر اذكروني اذكروكم. ولذكر الله اكبر. اتنين لانها ايام الثأر. ارجم الشيطان بالذكر. الوضع قابل للاشتعال - 00:37:57

الشيطان موجود في العشرة مش زي رمضان. هتفقر منه وترجمه ولا لأه؟ تلاته لانها ايام التجارة العظمى مع الله. خير اعمالكم ازاكها

عند مليككم. ارفعها في درجاتكم. ذكر الله. اربعة لانها ايام التضحية. ايام كل البشرية متوجهة - 00:38:17

عباد البشرية الى نقطة واحدة اللي هي الكعبة بتهتف لبيك اللهم لبيك. خمسة لانها ايام التأسيس. التأسيس ايه ايام اللي ربنا اقسم بها في المرحلة دار الارقم والايام اللي ربنا زكرها في شعب ابي طالب. ستة لانها ايام معرفة مقصد حياتك. دي ايام اللي - 00:38:37

اعرفك مقصد الحياة بتاعك ايه؟ بتعرفك من هو الله. من هو الله فتبدأ تعرف انت عايش ليه وانت جاي ليه اصلا الدنيا دي سبعة لانها ايام الشواب الاسطوري. دي تاني اعزم صفقة مع الله بعد خرج بنفسه وماله. فلم يرجع من ذلك بشيء - 00:38:57

شيء تمانية لانها ايام التي نطق فيها البشر جميعا. كافرهم وملحدهم ومؤمنهم وانباؤهم وضلالهم فقالوا ربنا الله قالوا بلى شهدنا. ان تقولوا يوم القيمة انا كنا عن هذا غافلين. يبقى دي ايام ما تضعش وايام لا يغفل فيها عن ذكر الله - 00:39:17

ايام يجب ان نستعد لها اقول قولي هذا واستغفر الله لي ولكم. الحمد لله وكفى وصلة وسلاما على عبادك الذين اصطفى. اللهم لك الحمد كله و لك الملك كله و بيدك الخير كله. واليک يرجع الامر كله. اللهم صل على - 00:39:37

عبدك ونبيك محمد صلى الله عليه وسلم. في الاولين والاخرين وفي كل وقت وحين. اما بعد. اخواني واحبابي في الله احلامك بين ايديك. احلامك بين ايديك انت عندك عشر تيام العشر تيام دول ممكن يبقو لحزة التحويلة في حياتك. ممكن يبقو هم لحزة رجوعك لربنا بحق و حقيقي. اسرع عبادة - 00:39:57

ايه ده! هتجيب تأسيير في قلبك و حياتك هي ذكر الله سبحانه و تعالى. اسرع عبادة هتجيب تأسيير في سعادتك وبركة رزقك وفتح الابواب المفولة في رزقك و دنيتك هي ذكر الله. اسرع عبادة هتجيب تأسيير في نفسيتك المريضة التعبانة المفولة المكتوبة المتوترة. هي ذكر الله. ولكن من يصبر على باب الذكر - 00:40:17

عشان كده الورقة دي كلها صفات مع الله سبحانه و تعالى. كلها صفات. احنا قلنا ان هو سبع تمن كلمات. ربنا قال لك عشر تيام دول عشان السبع تمان كلمات دول - 00:40:37

فكل كلمة في افضل افكار التسبيح هي الورقة عبارة عن ايه افضل اذكار التسبيح؟ ايه افضل اذكار الحمد؟ ايه افضل اذكار التهليل ايه افضل اذكار الصلاة على الرسول؟ ايه افضل اذكار الاستغفار؟ افضل الاذكار. واعلى الاذكار ثوابا. بحيس انك انت على قد ما تقدر بقى - 00:40:47

يعني انت دلوقتي عايز عايز عشر زي الحجة ماشي. ما هو لازم استعداد ولو ارادوا الخروج لادعوا له عدة. وآآ هو من غير استعداد في حاجة النهاردة يقول لك المدرب بتاع المنتخب ولا المدرب بتاع فريق آآ المهمة الجاية الفرق بینا وبينها وقتيا قصير جدا. فايه خطته بقى عشان يعرف يستعد - 00:41:07

في الفترة القصيرة ديت الفترة ايه انا ما اعرفش والمهمة الجاية ايه انا ما اعرفش. ولكن القصة دلوقتي ان كل اهل الدنيا فاهمين ان من غير استعداد ما فيش حاجة - 00:41:26

مش هتوصل لحاجة. انت مش هتتحول فجأة غير اندايزر في عشر زي الحجة. مش هتتك على الزرار هتبقي مازنجر بتاع الذكر فجأة. مش هتتك على ازرار فجأة هتقعد جلسة الضحى وقلبك بيرفرف مع ملائكة السماء بالتسبيح. ده وهم. ده لازم تستعد. انت لسه لك على عشر زي الحجة عشر تيام فنحن الان قبل - 00:41:36

العاشر بعشر. فنحن الان قبل العاشر بعشر. واحنا قبل العاشر بعشر تيام هم عشر تيام نستعد لهم في عشر تيام. استعد ازاي مستويات من الاستعداد. بعد الفجر ربع ساعة كل يوم. وقبل النوم ربع ساعة. يا راجل! اي والله! ربع ساعة تمسك ورقة زي ديت كده ها نوزعها عليكم ان شاء الله على الخطبة - 00:41:56

امسك ورقة زي دي كده اقعد اقرا منها. شوية اذكار وقبل النوم ربع ساعة. تقوم تبدأ تلقط شوية ما انت مش هتطلع مرة واحدة على الرابع. اطلع على الاول. طب انا - 00:42:16

لأ ده انا وحش انت مش عارفني انا مش سخنان جدا على عشر زي الحجة. خلاص يا عم خليها نص ساعة بعد الفجر ونص ساعة قبل

النوم. حلو كده ولا مش حلو؟ ساعة يوميا بس انت بس اجمع - 00:42:26

قلبك على الله. بس انت بس عش معنى الزكر واقعد استحضر جلال ربنا ونعم ربنا في جسمك وفي الكون وفي السما. واقعد سخن نفسك كده. دخل نفسك في الموت كده - 00:42:36

بتاع الزكر. اقعد كده هات صور طبيعية اقعد اقعد كده ايه افتكر نعم ربنا عليك واكتبها في ورقة وانت بتحمد ربنا. اقعد كده دخل نفسك الجو بتاع الزكر. نص ساعة بالنهار من بعد الفجر ونص ساعة قبل النوم. يبقى انت كده في العشر تيام دول بتستعد استعداد برضه رائع. يا عم انا اقوى من كده ده انا وحش انت - 00:42:46

مش عارفني خلاص جميل جدا ساعة بعد الفجر وساعة قبل النوم. يبقى ده المستوى الثالث. ساعة قبل الفجر ساعة بعد الفجر وساعة قبل النوم. ساعة بعد جلسة الضحى. يبقى انت العشر تيام الجايين جلسة الوضوء حافز عليها بقى كويس جدا. لانك بتتدرّب وقبل ما تنام انت بتتّنام الساعة اتناسنر ادخل حداشر كده - 00:43:06

جنب السرير كده على سجادة صلاة ولا حاجة وامسك الورقة واقعد ايه او انت مع قلبك بقى واقعد ايه اذكر ربنا لمدة ساعة. الكلام ده علاج نفسي رهيب الكلام ده فتح للرزق رهيبة. وانا انا جليس من ذكرني. انت تجالس الله الان. يبقى عندك ربع وربع نص ونص ساعة وساعة. عايز اكتر الله يعينك - 00:43:26

بس انت ايه سبّت الخطوط الحمرا. طب لما ييجي عشر ذي الحجة اعمل ايه؟ عشر ذي الحجة عندك تلات مستويات. اقل حاجة نص ساعة بعد الفجر ونص ساعة قبل النوم - 00:43:46

عشر ذي الحجة بقى نص ساعة بعد الفجر ونص ساعة قبل المغرب ونص ساعة قبل النوم. يبقى انت عملت ذي الانبياء سبّحت الله غدوا نص ساعة قبل بعد الفجر وعشيا نص ساعة قبل المغرب وبالليل لان ربنا اقسم بالليل وليل عشر ونص ساعة قبل ما تنام. يبقى انت كده ساعة ونص زكريا يا سلام - 00:43:56

لو انت عملت كده انت راجل بطل. شف اصل الموضوع مش بالحماس. انت كل سنة سخنان وعايز تكسر الدنيا في عشر ذي الحجة ولا بتكسرها ولا بتعمّرها. ليه؟ لانك انت مش محترم طاقتك ومش محترم زروف حياتك وانشغالاتك. وان انت برضو مش مسخن في عشر ذي الحجة. لو نص ساعة بعد الفجر زكر ونص ساعة قبل المغرب ونص ساعة قبل - 00:44:16

انت كده بطل. طب اني لاجد قوة خليها ساعة بعد الفجر. يبقى جلسة ضحى يوميا وده طبعا حاجة عظيمة جدا. وساعة قبل المغرب وساعة قبل النوم يبقى انت كده تلات ساعات تجالس الرحمن سبحانه وتعالى في عشر ذي الحجة. طب انا عايز اكتر يا عم. يا عم بس انت عامل دول. ولما نفسك تتفتح بعد كده اقعد اذكر ربنا - 00:44:36

كان احدهم عامل خاتم ورق كده حجمه آآاطول من عقلة الصابع ويلبسه في ايده كده وهو في الكلية. ولما اول ما ييجي يتنبي ايده تقوم ايده تحك في الخاتم في حرف الخاتم الورق ده آآآآيقوم يفتكر الذكر يقعد يذكر الله سبحانه وتعالى ذكر نفسك بالي طريقة - 00:44:56

اعمل على الموبايل برامج تذكير. اعمل اي حاجة. امشي معك ورقة ذي دي ولا كتيب ذكر. اقعد اذكر ربنا بقى طول اليوم. بس انت لازم يكون عندك اوقات بعد الفجر وقبل - 00:45:16

المغرب وقبل النوم تقدر بهدوء تذكر الله فيها. قدر ما يفتح الله عليك. نبدأ نلزم نفسنا ونبدأ نجتهد اخوانى في الله. اخوانى احبابى في الله كما قال حبيب الله محمد. افضل ايام الدنيا ايام العشر. دي افضل ايام الدنيا. دي اه سر تفضيلك عند الله سبحانه وتعالى. دي سر ان ربنا يرفع درجات - 00:45:26

دي وقفة سنوية ومعسكر تربوي سنوي. ربنا عمله لامة محمد عشان يبقى معسكر تدريبي على فن الذكر. عشان الامة كلها تقعد عشر تيام مع الذكر سنويا تقوم لما تدوق الشمار بتاعته واللزّة بتاعته والاسر النفسي والاسر القلبي والاسر في الكرامات الدنيوية والعطاءات - 00:45:46

اللي ربنا يعملها لك تقوم لما تدوق ده تقوم تقول يا نهار ايض! ده انا ما كنتش عايش! انا ازاي كنت عايش من غير ذكر الله! عشان كده

في اول القرآن خالص - 00:46:06

لما رينا نزل على النبي اول القرآن. سورة المزمل اللي بعد اقرأ. قال له حاجتين. قال له قم الليل الا قليلا. رتل القرآن ترتيلا. يبقى لازم ورد يومي لك مع - 00:46:16

لازم لازم عشان توصل لربنا وانت في اول يومين في الرسالة كده ولسه قدامك الالف ميل قدامك. اول ورد لازم تعمله ورد مع يوم امتنى يا رب في قيام الليل؟ طب والورد الثاني يا رب؟ واذكر اسم ربك وتبتل اليه تبتل. ورد مع اسماء الله الحسنى او مع ذكر الله. ورد مع الاذكار - 00:46:26

يبقى رينا في اول القرآن خالص قال للنبي عليه الصلاة والسلام لو عايز توصل لي ولو اللي هيؤمنوا بك عايزين يوصلوا لي يعمل ورددين يومي. ورد مع القرآن يقرأوا فيه القرآن وورد مع ذكر الله يذكر فيه الله. ورد الذكر ده الفاست فود. ده التيك او اي ده الاكل - 00:46:46

ده العصير الجاهز اللي بيدخل الجلوکوز يقوم داخل على المخ والقلب وتلacci نفسك نشطت في لحظة. ده الذكر. القرآن ده بقى لأ ده القرآن ده بقى اللي ده الاكل ايه بقى اللي ممكن يعني تاخد وقت شوية على ما تحس به وعما تعيش معه. ولكن بعد كده ده هيبقى العمود الفقرى بتاعك. ده اللي هيشد صلبك. فدول نوعين - 00:47:06

تعزية ايمانية لقلبك ما ينفعش تستغنى عنهم. الورقة هتلacci فيها صفة التسبيح او كنز التسبيح كنوز منسية والله يا جماعة. كنوز منسية. صفة التهليل كنز التهليل كنوز صفات منسية حلول منسية. حلول لجميع مشاكل حياتك منسية. صفة الصلاة على النبي صلي الله عليه وسلم. وتحت كل صفة كاتب لكم - 00:47:26

آآآ الثواب بتاعها. مش جايب الاحاديس كلها عشان الصفحة ما تباقاش كبيرة. جايب الكلمة اللي الشاهد على السواب من الحديث بس. الحديث كلها طبعاً محققة الشيخ الالباني رحمة الله - 00:47:46

بازن الله سبحانه وتعالى فجايب لك تحت كل زكر السواب بس بتاع الحنة اللي النبي قالها فيها السواب بتاعه. بحيس ان انت بازن الله سبحانه وتعالى تبقى زاد لك في الاستعداد لعشر ذي الحجة وزاد لك في هذه العشر المباركة. نسأل الله سبحانه وتعالى اللهم بلغنا عشر ذي الحجة واجعلنا فيها من الفائزين. اللهم اجعل - 00:47:59

قالها خير ايام مرت علينا في حياتنا. اللهم اعمر قلوبنا بما عمرت به قلوب الصالحين. اللهم اعمر صدورنا بما عمرت به صدور الصديقين. اللهم اعنا على ذكرك وشكرك وحسن عبادتك. اللهم اجعلنا من الذاكرين الله كثيرا. اللهم اجعلنا من الذاكرين الله كثيرا - 00:48:19

اللهم ارزقنا ذكرك الليل مع النهار. اللهم لا تجعلنا ممن ينساك او يغفل عن جلالك. اللهم اعمر قلوبنا بذكرك واعمر صدورنا بذكرك. واعمر حياتنا بذكرك. اللهم بلغنا عشر ذي الحج. واجعلها فتحا علينا وعلى عبادك. واجعلها خير - 00:48:39

ان مرت علينا في حياتنا اللهم زدنا ولا تقصنا. اللهم اكرمنا ولا تهنا. اللهم اعطنا ولا تحرمنا. اللهم اثثنا ولا تؤثر علينا اللهم اهدنا ويسر الهدى علينا برحمتك يا ارحم الراحمين. سبحانهك اللهم وبحمدك. اشهد ان لا الله الا انت استغفرك واتوب اليك - 00:48:59